

ՀԱՅԱՍՏԱՆԻ ԱՆՏԻԿ ՇՐՋԱՆԻ ՔԱՂԱՔՆԵՐՆ
ՈՒ ՔԱՂԱՔԱՇԻՆՈՒԹՅՈՒՆՆ ԸՍՏ ՄՈՎԱԾՍ ԽՈՐԵՆԱՑՈՒ
«ՀԱՅՈՑ ՊԱՏՄՈՒԹՅԱՆ»

Ժ. Գ. ԽԱՉԱՏՐՅԱՆ

Հայաստանը հելլենիստական աշխարհի պետությունների ամենավառ օրինակներից մեկն է: Հայտնի է, որ եղել են երկու տիպի հելլենիստական տեղաբնակներ՝ հունական և տեղական քաղաքական իշխանությամբ: Հայաստանը պատկանում էր երկրորդ տիպին, ուստի Հայաստանի հելլենիստական շրջանի պատմության, տնտեսության և մշակույթի բազմաէությունն ուսումնասիրությունը կարևոր է ընդհանրապես երկրորդ տիպին պատկանող երկրների մասին պատկերացում կազմելու համար:

Այս ուսումնով պեղումներից և օտար աղբյուրներից բացի, իրենց ուրույն տեղն ունեն վաղ միջնադարյան հայ մատենագիրների գործերը, առաջին հերթին՝ Խորենացու «Հայոց պատմությունը»: Վերջինս շատ ուշադրավ տեղեկություններ է պարունակում անտիկ շրջանի Հայաստանի և հարևան երկրների պատմության ու մշակույթի, այդ թվում նաև քաղաքների և քաղաքաշինության մասին:

Հայաստանի թագավորները, լավ հասկանալով քաղաքների զերբ երկրի սոցիալ-տնտեսական կյանքում, առևտրի, արհեստագործության ու մշակույթի զարգացման գործում, հետևելով հելլենիստական երկրների օրինակին՝ առևտրական ճանապարհների երկայնքով, մեկը մյուսի հետևից, հիմնադրում էին քաղաքներ, որոնք ստանում էին դինաստիական անուններ:

Ամենակարևոր խնդիրը քաղաքի տեղի ճիշտ ընտրությունն էր: Մովսես Խորենացին մեծ ուշադրություն է դարձնում այդ հարցին²: Դա երևում է Վանի (I, 16), Երվանդաշատի (II, 39), Արտաշատի (II, 49) նկարագրության մեջ: Ես այդ կապակցությամբ նշում է հետևյալ հանգամանքները: Տվյալ տարածքը պետք է առևտրական ճանապարհներին մոտ լիներ, ունենար պաշտպանության համար հարմար դիրք, գյուղատնտեսությամբ զբաղվելու համար արգավանդ հողեր, ջրասատ լիներ՝ քաղաքի կոմունալ տնտեսության համար. ձկնառատ գետեր լիներ և այլն: Այս առումով շատ ուշադրավ է կարին քաղաքի (III, 59) կառուցման մասին վկայությունը, որտեղ ավելի ամբողջական և առավել ցայտունորեն են դրսևորվում քաղաքի տեղի ընտրության համար կարևոր բոլոր հատկանիշները:

Քաղաքաշինության կարևորագույն օղակներից մեկը պաշտպանական կառույցներն են, որոնք արտահայտում են ավյալ շրջանի ճարտարապետության ռազմարվեստի նվաճումները և պետության տնտեսական ու քաղաքական վիճակը: Հզոր պաշտպանական համակարգեր ունեցող քաղաքները, լավ կազմակերպված զորքի հետ միասին, երկրի անկախության զբաղակալն էին: Ուստի, պաշտպանական կառույցները պետք է համապատասխանեին զար-

1 Զեկուցում՝ կարգադրված Մովսես Խորենացու «Հայոց պատմության» ստեղծման 1500-ամյակին նվիրված գիտաժողովում, Երևան, 1991:

2 Մովսես Խորենացու Պատմություն Հայոց, քննական բնագիրը և ներածությունը Մ. Արեղևանի և Ս. Պարոթյանի կողմից, Երևան, 1991:

գայտող պոլիորկետիկայի (քաղաքներ պաշարելու արվեստի) պահանջներին և մշտադեմ լինելին պատրաստի վիճակում:

Մովսես Խորենացին քաղաքների և դրանց կառուցման վերաբերյալ խոսելիս մշտապես շեշտում է տեղանքի ընձևուած հնարավորությունների, պարիսպների կառուցման կամ գոյություն, քաղաքի և միջնաբերդի ամրությունների, մուտքերի պաշտպանության կաղմակերպման, խորամանկորեն կառուցված թակարդների մասին (I, 16, II, 36, 39, III, 28, 59): Դա հատկապես լավ է արտահայտված Վանի, Երվանդաշատի, Վաղարշապատի և Կարինի կառուցմանը վերաբերող հատվածներում (I, 16, II, 39): Վանի մասին նա գրում է. «...յետ սակաւ ամաց կատարէ զհրաշային ամրագոնիւք պարսպօք, հանդերձ դրամբք պղնձակերտիւք»: «Զորոյ պարսպեալ զգագաթնն՝ դժուարամուտս ոմանս և դժոխեալնելիս ի նմա յօրինէ շինուածս արքայանիստս, և ծածուկս իմն ահագինս» (I, 16): Երվանդաշատի մասին ասում է. «Պարսպէ զբլուրն և ի ներքսագոյն քան զպարիսպն ընդ բազում տեղիս կտրեալ զքարինսն մինչև ի յատակս բլրոյն հաւասար գետոյն, մինչև դիմել ջուրց գետոյն ի փորուածն, յըմպելաց պատրաստութիւն: Զմիջնաբերդն ամրացուցանէր բարձր պարսպօք, և դրունս պղնձիս կանդնէր ի միջոցի պարսպին, և ելանելիս երկաթիս ի ներքուտ ի վեր մինչև ցղուռնս. և ի նմա որոգայթս իմն ծածուկս ընդ մէջ աստիճանացն, որպէս զի ըմբռնեսցի՝ եթէ ոք զաղտ ելանելով դուռն կամիցի զարքայն: Եւ էր, ասեն, երկդիմի. որպէս զի մինն լիցի սպասաւորաց արքունի և ամենայն ելեմտից ճանապարհ տուրնջենային, իսկ միւսն գիշերային և մարդաղաւաց» (II, 39): Կարինի մասին՝ «...անդ ետեղագրեաց զքաղաքն. զորով շրջափակեալ խոր փոսի՝ անդնդալիր հաստատեաց զհիմունս պատուարին. և ի վերայ բարձրաբերձ աշտարակս ահագինս շինեաց...», «և անդր շինեաց աշտարակս ժայռաւորս իբրև զնաւացուկս...», «իսկ ընդդէմ արևելից և արևմտից կանգնեաց աշտարակս բլորաձևս» (III, 59): Մծբինի մասին՝ «Զի ի շարժմանէ խախտեալ՝ քակեաց և վերստին շինեաց պայծառագոյն, և պարսպեաց կրկին պարսպով և պատուարաւ» (II, 36) և այլն:

Շուրջներ քաղաք էին համարում միայն պարսպապատ քաղաքները: Նման մոտեցում ունի նաև Մովսես Խորենացին, որն արտահայտվում է Վաղարշապատին վերաբերող հատվածում (II, 65):

Հելլենիստական քաղաքները կառուցվում էին միասնական, երկրի կողմերի ուղղությամբ կողմնորոշված կանոնավոր հատակագծով: Մովսես Խորենացու մոտ պահպանվել են այդ սկզբունքը դրսևորող փաստեր Վանի (I, 16) և Կարինի (III, 59) կառուցման նկարագրության մեջ. «Եւ գեղեցկագոնիւք և ընդարձակ փողոցիւք զկողմանս քաղաքին որոշելով» (I, 16): «Եւ սուստորոտով մի գեղեցկանիստ լերինն գտեալ բազում աղբիւրս ականակիտս և մանունս բղխեալ՝ անդ ետեղագրեաց զքաղաքն» (III, 59): Ուշադրաւ է, որ Պլուտարքոսը նույն ձևով հաղորդում է Արտաշատի մասին. «Նկատելով, բացի այդ, այս երկրում շօղտագործված ու անտեսված հարմարագույն և խիստ հաճելի մի վայր՝ նա այդ տեղում ուրվագծեց քաղաքի հատակագիծը: Հանիբալը տարավ Արտաշեսին ցույց տվեց հատակագիծը և համոզեց այդ տեղում քաղաք հիմնել: Թագավորն ուրախությամբ համաձայնվեց և խընդրեց, որ նա իր վրա վերցնի այդ գործի ղեկավարությունը: Այսպիսով կառուցվեց մեծ ու խիստ գեղեցիկ քաղաք, որն անվանվեց թագավորի անունով և հայտարարվեց Հայաստանի մայրաքաղաք»³: Այսպիսով, քաղաքաշինության սկզբունքների մասին խոսելիս Պատմահայրը նշում է այն սկզբունքները, որոնք ընդունված էին անտիկ տրադիցիայում:

³ Плутарх. Сравнительные жизнеописания, в трех томах. Т. II, Лукулл, XXXI, 5 (пер. С. С. Аверинцева). М., 1963.

Արտաշատին նվիրված Նաուվածում Մոզեսն հորենացին ճշտում է նրա տեղը, շեշտում, որ թագավորն այն կոչում է իր անունով, բնակեցնում և վերածում բաղաձայն ու կրոնական կենտրոնի, մեծ ուշադրություն է դարձնում իր բաղաձայն շքեղ կառուցելու վրա: «Երբեք Արտաշատի ի տեղին, ուր իստոնին Երասխ և Մեծամոր, և Նաճեալ ընդ բյուրն՝ շինէ բաղաձայն ի սնունդ անուանեալ Արտաշատ: Չեւսուտ լինի նմա և Երասխ փալատիք մալրեալ: Վասն որոյ անաշխատ և երազ շինեալ՝ կանդնէ ի նմա մեճեան և փոխել ի նա ի Բաղարանէ պատկերն Արտաշատեալ և դամենայն կուռս Տալրեանիս: Բայց զԱպողոնի պատկերն առաւորոյ ուղարին կանդնէ Տուպ ի Տանապարհն: Եվ յարույանել ի բաղաձայն Երուանդալ զգեբութիւն Հրէիցն, որ փոխեալ էին անդր յԱրմաւրայ, և նստուցանէ զնոսա յԱրտաշատ: Նա և դամենայն վայելչութիւն բաղաձայն Երուանդալ, զոր տարեալ էր յԱյրմաւրայ և զոր անդէն արարեալ նորա՝ փոխել յԱրտաշատ, և առաւել նա լինեցնէ յօրինէ իրն զբաղաձայն արքայանիսս»⁴:

Արտաշատի՝ 1970 թ. սկսված և առ այսօր շարունակվող պեղումները հաստատելիս հայ և օտար հեղինակների վկայությունները, դրա՝ ընդհանուր պլանով կառուցված ղեղեկիկ բաղաձայն լինելը: Արտաշատը հիմնադրվել է Արտաշես 1-ի կողմից մ. թ. ա. 189/8 թթ.⁵, Արարատյան բարեբեր զաշտում, ղեղատեսակի Արարատի դիմաց, Արաքս և Մեծամոր գետերի միախառնման տեղում ստեղծված թերակղզու 12 մեծ ու փոքր բյուրների վրա, միջազգային տեղաբնակյալ ճանապարհների խաչմերուկում: Այսինքն տեղի բնաբնակները շատ հաջող էր կատարված թե՛ սարսաղեղիական և թե՛ անասնական առումով, և միանգամայն համապատասխանում էր բոլոր այն պահանջներին, որոնք, ըստ անտիկ հեղինակների, անհրաժեշտ էին քաղաքի կառուցման համար⁶: Արարատյան զաշտը հնարավորություն էր տալիս զբաղվելու հողագործությամբ և ստեղծելու բաղաձայն ղեղեկաբնակյալ ղեղեկաբնակ շրջան: Արարտի և Մեծամորի ջրերը թույլ էին տալիս մշակելի հողերը ոռոգելու Գեղարք հարուստ էին ձկնեղջյուրով, իսկ նրանց թափումներն ու եղեղնուանները՝ որսի կեն-

⁴ Մոզեսն հորենացի, II, 49:

⁵ Արտաշատի հիմնադրման ժամանակի վերաբերյալ տարբեր կարծիքներ կան. 2. Մանանդյանն այն համարում է մ. թ. ա. 166 թ. (2. Մանանդյան. Բնակեցնող անտիկություն հայ ժողովրդի պատմության. — Երևան, հ. I, Երևան, 1977, էջ 124), Մ. Կրեմյանը՝ մ. թ. ա. 176 թ. (Развитие городов и городского жилищ в древней Армении.— Вестник древней истории (ВДИ), 1953, № 3, с. 19). Թ. Առարկյանը՝ մ. թ. ա. 180—170 թթ. (Арташат I. Основные результаты раскопок 1970—1977 гг. Ереван, 1982, էջ. 9), Գ. Մարգարյանը՝ մ. թ. ա. 185 թ. (Գ. Մարգարյան. Հայաստանի միավորումը և հզորացումը Արտաշես Ա-ի օրոք. — Հայ ժողովրդի պատմություն (ՀԺՊ), Երևան, 1971, էջ 539—544), Բ. Երեմյանը ենթադրում է, որ Արարտի (XI, XIV, 6) և Պլատարի (I, II, XIX) պատճառ չունեն կեղծելու և Արտաշատի հիմնադրումը կապելու Հանիբալի անվան հետ: Ուստի, նա համարում է, որ Արտաշատը հիմնադրվել է մ. թ. ա. 189/8 թթ. (Гамбург в Армении.— «Пատմա-բանասիրական հանդես» (ՊԲՀ), 1980, № 4, էջ 257—261, տե՛ս նաև Diod., XXXI, 17a; Der Kleine Pauly, Bd. I, Stuttgart, 1961, s. 67; lexicon der Antike, Leipzig, 1978, s. 57). Մենք բնգունելի ենք համարում Բ. Երեմյանի կարծիքը, գտնելով, որ Հանիբալը իրոր կարող էր լինել Հայաստանում, օգնել բաղաձայն տեղի բնաբնակյալ հարցում, ընդհանուր դժբախտ դեպքերի հասակադիր և նույնիսկ սկզբնական շրջանում մասնակցել աշխատանքներին: Մանավանդ եթե ի նկատի ունենանք, որ Արտաշատի ուրարտական միջնաբերդի պարիսպները և ուրեշ շինություններ այդ ժամանակ պետք է գետնա բաղաձայնին լավ պահպանված լինեին: Ինչ վերաբերում է Հանիբալի Հայաստանից շատ հեռանալուն, ապա, համանաբար պատճառներից մեկն այն է, որ մ. թ. ա. 188 թ. Աղամեալի նախնիական պայմանագրի կետերից մեկը Հանիբալին նույնպես էր հանձնելու էր Իսկ Մագնեսիայի ճակատամարտից հետո Արտաշեսը բարեկամական հարաբերությունների մեջ էր հասնեցնելու հետ (Strabo, XI, 14, 15):

⁶ Архитектура античного мира, М., 1910, с. 33.

դանիններով: Բլուրները հիմնականում սև մարմարից և օնիքսից էին, իսկ Արտաշատից ոչ հեռու գտնվում էին կրաքարի, տրավերդի, բազալտի և այլ քարերի հանքավայրեր, որոնք հումք էին մատակարարում ոչ միայն քաղաքի շինարարության, այլև կենցաղային, արտադրական և դեղարվեստական իրեր ու զարդեր պատրաստելու համար: Քաղաքի ժայռամասում գտնվող բարձրորակ կավի մեծ պաշարները նախ և առաջ շինանյութ էին քաղաքի հսկայական ու երկարածիգ (15000 մ ավելի) պարիսպների ու բնակելի տնիքների համար, այնուհետև կավի առկայությունը խեցեգործությանը զբաղվելու լայն հնարավորություն էր բնութագրում: Արարատի մոտակայքում գտնվող կվարցիտի հանքավայրերը հումք էին հանդիսանում ապակեգործության և ջնարակած խեցեղենի զարգացման համար: Գետի, ջրհորների և լեռներից բխող բազիլաճամ առատ ջրերը բավարար էին քաղաքի բարեկարգման և հիգիենիկ պահանջների համար: Կավե լայն խողովակներով (45×55 սմ) քաղաքը խմելու ջուր է ստացել (Վեդու կողմից), որը կավե նեղ (10 սմ) խողովակներով բաժանվել է վերին քաղաքի թաղամասերին: Արտաշատում հայտնաբերվել են մի քանի բաղնիքներ, որոնցից երկուսը (VIII բլրի վրա) պատկանում են II—III դդ.: Քաղաքի տարբեր մասերում բացվել են դրենաժային ցանցեր, պարիսպների մեջ թողնված են անձրևաջրերի հեռացման անցքեր և այլն:

Արտաշատի պեղումներով բացված թաղամասերի ուսումնասիրությունից երևում է, որ դրանք ոչ թե անսխտեմ, տարբրայնորեն կառուցված, մեկը մյուսին հարող բնակարաններից են բաղկացած, այլ պլանավորված ձևով ստեղծված, հրքեմն կարճ ժամկետում կառուցված և հետագայում, որոշ դեպքերում մասնակի փոփոխությունների ենթարկված համալիրներ են: Փոփոխությունները շեն խախտել նրանց սկզբնական ընդհանուր հատակագիծը և ներքին հիմնական կառուցվածքը: Հստ էություն դրանք հանդիսանում են մի հսկայական շինություն, որի հիմնական պատերն անպայմանորեն կառուցված են միանգամից:

Պեղված թաղամասերի հատակագծերը հաստատում են նրանց կանոնավոր բնույթը: Փողոցներով բաժանված բնակելի համալիրների մեկ զծի վրա լինելը խոսում է այն մասին, որ քաղաքի թաղամասերը, անկասկած, կառուցվել են նախապես մշակված միասնական հատակագծով, որպես պաշտպանական համակարգի հետ սերտորեն կապված մեկ միասնական համալիր: Թև ինչ աստիճանի սերտ է եղել այդ կապը, երևում է համալիրների մեջ թոռոտ անցումներից, կամ պարիսպների երկայնքով սարքված փողոցներից: Ասիներն, պաշտպանական կառույցները և բնակելի թաղամասերը կառուցվել են անկասկած, որպես օրդանապես կապված ամբողջական կոմպլեքսներ: Մովսես Խորենացու վերոհիշյալ վկայություններից ելնելով կասեի է ենթադրել, որ միասնական հատակագծով կառուցելու սկզբունքն ընդհանուր է եղել Հալաստանի հելլենիստական քաղաքների համար:

Արևելքի աղգեցությունը ստեղծված հելլենիստական քաղաքի բնորոշ դժերից մեկը եղել է այն, որ միապետի կամ կառավարչի նստավայրը, վարչաքաղաքական կենտրոնի հետ միասին, անջատվում էր քաղաքի մյուս թաղամասերից, բնակչության հավաքատեղիներից? (Անտիոք, Ալեքսանդրիա, Գուրա-Նվրոպոս. Պերգամոն): Պաշտամունքային գլխավոր համալիրները, նույնպես կառուցվում էին առանձնադաժ տեղերում: Այս առումով ուշադրավ է Մովսես Խորենացու վկայությունը Երվանդի կողմից մայրաքաղաքը Արմավիրից Երվանդաշատ, իսկ կուրքերին Բագարան տեղափոխելու մասին: Նա հատակորեն նշում է. որ ուս արվել է բնակչության հավաքատեղիներից խուսափելու համար. «Բայց Երուանդայ շինեալ զքաղաքն իւր և փոխեալ անդր զամենայն ինչ յԱրմաւրայ, ուրոյն ի կոոցն, զոր ոչ օգուտ իւր համարեալ

7 Т. Н. Козина. Некоторые вопросы градостроительства эллинизма.—Вопросы всеобщей истории архитектуры. Сб. № 1, М., 1961, с. 72.

լիւրն փոխել ի քաղաքն, զի մի ի դալ և ի գոնի անդ աշխարհի՝ ոչ զգուշութեամբ պահեսցի քաղաքն, այլ հեռագոյն ի նմանէ իբր քառասուն ասպարհասալ զհիսսիսով՝ նման իւրոյ քաղաքին շինեաց քաղաք փոքր ի վերայ գեատոյն Ախուրեհայ, և անուանեաց Ռագարան...» (II, 49):

Քաղաքաշինութեան այս սկզբունքներն իրենց արտահայտութիւնն են գտել նաև Արտաշատում: Ըստ Մովսես Խորենացու, ինչպես վերը նշեցինք, Արտաշես I-ը Արտաշատը կառուցելուց հետո «...կանգնէ ի նմա մեհեան, և փոխէ ի նա ի Ռագարանէ զպատկերն Արամիդեայ և զամենայն կուտ հայրենիս: Ի այց զԱպողոնի պատկերն առուստու, քաղաքին կանգնէ հուպ ի ճանապարհն» (II, 49): Պեղումները ցույց տվեցին, որ II բլրի վրա, որն ամենարարձրն է (70 մ) և ունի ամենամեծ օդաչործելի մակերեսը, քաղաքի միջնարկըն է, որտեղ տեղավորված են պալատական վարչական համալիրները, ավագանու բնակարանները, դորանոցները: Այն, ճիշտ է, գտնվում է պաշտպանական բնույթով համակարգի մեջ, բայց իր երկու հզոր պարիսպներով լավ պաշտպանված անառիկ դիրք ունի, և հանդիսանում է ոչ միայն հուսալի հենարան արտաքին թշնամու դեմ, այլև ահող զասի իշխանութեան համար, բնդդեմ քաղաքի շահադործվող բնակչության: VI բլրի վրա (բարձր. 50 մ) տեղադրված են եղել պաշտամունքային գլխավոր համալիրները՝ Անահիտին և նախնիների պաշտամունքին նվիրված տաճարը: Այսինքն, հելլենիստական քաղաքների սրինակով⁸, նաև շեշտվում է պալատական վարչական հաստիքի գլխավորող դերը պաշտամունքային նկատմամբ: Ապոլոնի տաճարը կառուցվել է քաղաքի հարավային կողմում, պարբուսից դուրս, Արարսի աջ ափին բանվող բլրի վրա, Արտաշատ—Տիգրանական ճանապարհի եզրին⁹:

Արեւելքում, կլիմայական պայմաններից ելնելով, անհրաժեշտութիւն է եղել քաղաքին մոտ անտառների, այգիների, պարտեզների, լճերի, որսատեղերի և գրադմունքի վայրերի սակողմումը: Այն ամբողջովին որդեգրվել է հելլենիստական միադեանների ու կառավարիչների կողմից¹⁰: Կապույտ սրինակներից է Սելեուկյանների մայրաքաղաք Անտիոքը, որի արվարձաններից մեկում՝ Կաֆնայում էր դրսևում նրանց մերձքաղաքային նստավայրը, հրակայական այգիներով (մոտ 15 կմ շրջագծով): Այս սովորութիւնը եղել է նաև Հայաստանում: Մովսես Խորենացին վկայում է, որ նրվանդը մայրաքաղաք նրվանդաշատը կառուցելուց հետո «տնկէ և մայսի մեծ ի հիսսիսոյ կողմանէ դեատոյն, և որմովք ամբաջուցանէ, արդելով ի ներքս այժմեանս կանգունս, և զեղանց և զեղջերուաց սող, և ցիտս և վարադս: սրք ի բազմութիւն աճեցեալ լոյին դանտառն, որովք ուրախանայր թաղաւորն լատուտ որսոց: Եւ անուանէ դանտառն՝ Մննդոց» (II, 41): Պեղումներով պարզվել է, որ այնտեղ կառուցված է եղել նաև պալատական շէնք:

⁸ Т. II. Козина. Указ. соч., с. 22.

⁹ Տաճար տեղադրվել է նաև Զվարթնոցում՝ Արտաշատ—Վաղարշապատ ճանապարհին Գլինում (Ս. Նրեմյան): Մենք մեր աշխատանքներում մանրամասն անդրադարձել ենք այդ տարցին, ցույց տալով, որ Ապոլոն—Միհր—Տիբի տաճարը պետք է լինեո Արտաշատի մոտ, նրա արվարձանում, ոչ թե 10—20 կմ հեռավորության վրա (Բ. Խաչատրյան. Իրանահայկական դիցարանական աղբյուրների հարցի շուրջ.—Վարդի Նասրական գիտություններ, 1981, № 2, էջ 58—62; նույնի՝ Հելլենիստական բաղաբնաշինության որոշ ավանդույթների նրազմունքն վայրի և Գլին բաղաբն հիմնադրման մասին,—Վարդի Նասրական գիտություններ, 1987, № 2, էջ 47—50), ինչպես Մ. Խորենացին է նշում. «Բայց զԱպողոնի պատկերն արտաբոյ բաղաբն կանգնէ հուպ ի ճանապարհն» (II, 49): նման մի այլ դեպքի կապակցությամբ նույն հատուկ շեշտում է Արամիդի արձանի բաղաբնից հետո լինելու հանդամները. «Եւ իսկոյն կործանեաց զամպրոպային պատկերն Արամիդայ, որ կայր մեկուսի ի բաղաբն, զեատոյն հզորի բնդ մէջ անշանելով» (II, 86):

¹⁰ Նույն տեղում, էջ 53: Т. II. Козина. Указ. соч., с. 12.

Տիգրան II-ը նման մեծ անտառ տնկել է իր նոր կառուցած մայրաքաղաքի՝ Տիգրանակերտի մոտ։ Ինչպես հրևում է գրավոր աղբյուրներից, Տիգրանակերտում իրենց արտահայտությունն են գտել հելլենիստական քաղաքաշինության լավագույն տոպոգրաֆիաները։ Տիգրանակերտը պետք է լիներ ավելի դեղնեղև ու շքեղ, քան Անտիոքը, քանի որ, ինչպես հելլենիստական քաղաքաշինության ուսուցիչ Վ. Չերիկովերն¹¹ է ասում, Տիգրանը միանգամից ուզում էր ունենալ այն սմենը, ինչ մյուս հելլենիստական քաղաքներում ստեղծվել էր երկար ժամանակում։ Տիգրանակերտն, ըստ անտիկ հեղինակների, շքեղորեն կառուցապատված հարուստ քաղաք էր, բարձր պարիսպներով (25 մ), անմատչելի միջնաբերդով¹², պարիսպներից դուրս, քաղաքի արվարձանում տնկված անտառով, որը նաև որսատեղի էր իր ձկնավազաններով ու լճակներով։ Այնտեղ կառուցված էր նաև պալատական շենք, որի առկայությունը սխալ է մեկնաբանվել շատ գիտնականների կողմից, որոնք ենթադրել են, թե Տիգրանակերտը բաղկացած է եղել բուն քաղաքից և անտառում ոտնվող պալատական շինություններից, ինչը համարվել է անսովոր երևույթ Հայաստանի համար¹³։ Սակայն դա նույնն է, ինչ որ Ծովանդի անկախ «Մենոտոս անտառ», միայն շատ ավելի շքեղ ու հարուստ, և կարող է համեմատվել Դաֆնայի հետ։ Տիգրանակերտը, Հայաստանի մյուս մայրաքաղաքների նման, ունեցել է անառիկ ամրոց, որտեղ մ. թ. ա. 69 թ., երբ Լուկուտր պաշարից Տիգրանակերտը, գտնվում էին Տիգրանի կանանոցն ու դանձերի մի մասը։ Հայտնի է, որ Տիգրանը վեց հազարանոց հսկայական հեծելազունը ուղարկեց, որը ճեղքելով պաշարման օղակը, քաղաքից դուրս բերեց կանանոցն ու դանձերը¹⁴։ Մ. թ. 60—61 թթ., Տիգրան VI-ի օրոք, Տիգրանակերտը դարձավ Հայաստանի մայրաքաղաքը։ Տիգրան II-ի կանանոցն ու դանձերը, ինչպես նաև Տիգրան VI-ը, իհարկե կապրեին միայն Միջնաբերդի պալատական համալիրում¹⁵։

Արտաշատի համար, ըստ երևույթին, սկզբնական շրջանում որսատեղիներ են եղել Մասիսի լանջերը, ոտի մասին ակնարկում են Մովսես Խորենացին (II, 61) և Աղաթանգեղոսը (§ 211)։ Հետագայում, Խոսրով II Կոտակրայի նպատակով անտառ է տնկում Ազատ գետի մոտ, որը մինչև այսօր էլ կոչվում է նրա անունով (Խոսրովակերտ), իսկ Դվին կոչված բլրի վրա կառուցում է արևից պատսպարված մի ապարանք. «Իսկ սորա դարձութեն է և դարբի յիշատակաց անփոյթ արարեալ՝ սբօսանաղ և հաւորսութեանդ և այլոց որսոց պարապեալ. նորին աղազաւ և անտառ առ Ազատ գետովն տնկէ, ու յանուն նորա կոչի մինչև ցայսօր ժամանակիս։ Յնա և դարձուինսն փոխէ վերու անտառին յոստ մի, ապարանս հովանաւորս շինեսու...»¹⁶։

Մովսես Խորենացու Դվինին մերաբերող այս վկայությունը մենք մանրամասն անդրադարձել ենք մեր մերոհիշյալ աշխատությունների մեկում¹⁷։

Այս տեղեկությունը Խոսրենացին քաղել է Բուզանդից, բայց, ինչպես Խորենացու Հայոց պատմության ուսումնասիրողներն են նկատել, նա փորձում է իմաստավորել և բերել իրենց և հաճախ յուրովի է ներկայացնում Փ. Բու-

¹¹ Tschertkower. Die hellenistischen stadtegründungen von Alexander dem Grossen bis auf die Römerzelt. „Philologus“, Supplementband XIX. Heft I, Leipzig, 1927. S. 199.

¹² App., Mithr., 84; Pint., Lucull., XXVI; Tacit., Annales, XV. 4. Մասնաբաժան. Բենական տեսություն հայ ժողովրդի պատմության, էջ 171—172; Г. X. Каркунян, Тигранакерт. М., 1960. с. 49—75.

¹³ Այդ մասին տե՛ս Ժ. Խաչատրյան. նշվ. աշխ., էջ 53—54, գրականությունը նույն տեղում։

¹⁴ App., Mithr., 85.

¹⁵ Tacit., Annal., XV. 4. Հայ ժողովրդի պատմություն, հ. 1, էջ 741, 747—748.

¹⁶ Մովսես Խորենացի, III, 8:

¹⁷ Տե՛ս Հելլենիստական քաղաքաշինության որոշ ավանդույթների մասին, էջ 51—56:

դանդի հաղորդումը: Կան դեպքեր, որ Բուզանդի պատմածր ձեռն է, սակայն Խորենացին այն փոխարինել է սխալ պատմությամբ¹⁸, ինչպես այս դեպքում: Բուզանդը (III, 8) ասում է. Խոսրով Կոտակը անտառ տնկեց Գառնիից «մինչև Մեծամորի դաշտը, այն բլուրը, որ կոչվում է Դվին և գտնվում է Արտաշատ մեծ բաղադրի հյուսիսային կողմում... մինչև Տիկնունի ապարանքը: Նա այս մերին կոչեց Տաճար մայրի: Մի ուրիշ մերի էլ տնկեցին նրանից դեպի հարավ, և դեղնուտի և դեղբուսի... սրա անունն էլ դրին Խոսրովակերտ: Նույն տեղում շինեցին նաև արքունական ապարանքներ: Անտառներում «...զանազան կենդանիներ բաց թողեցին, ... որպեսզի նրա թաղավորության որսի՝ զբոսանքի և ուրախության տեղեր դառնան» ինչպես Արվանդի տնկած Մենդոց անտառը Արվանդաշատի մոտ, Տիգրանակերտի անտառը պայտառական շենքով և ուլն: Խորենացին, ինչպես վերը տեսանք, թեև նշում է, որ Խոսրովն անփութ էր բազումային և բարի հիշատակների հարցում, նա անտառ տնկեց որպեսզի որսորդությամբ զբաղվի, սակայն բացատրելու համար ապարանք կառուցելու փաստը, ավելացնում է. «...նաև արքունիքը փոխադրում է անտառից վերև մի բլրի վրա», իբր «...այդ ժամանակ Հրատն ուղեկցում էր Արևդակին և անմաքուր ջրեր օդը դարչելի հոտ էր բուրում, ուստի Արտաշատում բնակվողներն այս բանին շփոթանալով կամավոր հանձն առան այս տեղափոխությունը» (III, 8):

Խորենացու այս հաղորդումն էլ պատճառ է դարձել, որ որոշ դիտնականներ ենթադրեն, թե Խոսրով Կոտակը մայրաքաղաքը տեղափոխել է Դվին¹⁹, բանի որ Աեծամորը հունը փոխել էր, այդ պատճառով Արտաշատի շրջակայքում առաջացել էին ճահիճներ: Նախ նշենք, որ Մովսես Խորենացին Մեծամորի հունը փոխելու մասին չի վկայում: Դա տվյալ կարծիքի հեղինակների ենթադրությունն է: Մեծամորը համենայն դեպս մինչև VI դարի կեսերը հունը չի փոխել, այլ հոսել է Արաքսին զուղահեռ²⁰, «Աշխարհացույցի» արտադրում ցույց է տրված, որ Մեծամորը հոսում է Արաքսին զուղահեռ և Արտաշատի մոտ միանում է նրան: Ա. Շահնազարյանը Դվինին նվիրված իր մենագրության մեջ հատուկ քննության առարկա է դարձրել բոլոր այն աղբյուրները, որոնք հիշատակել են Դվինը՝ մինչև մարդպանական Հայաստանի մայրաքաղաք դառնալը: Հերքելով այդ աղբյուրների հավաստի լինելը, նա իրավացիորեն շեշտում է, որ Աղաթանգեղոսի, Կորյունի, Ղաղար Փարպեցու և Աղիշի մոտ Դվինն ընդհանրապես չի հիշատակվում²¹: Այնուհետև, Խոս-

18 Փ ա մ ս ո ս Բ ու զ ա ն ղ . Հայոց պատմություն, Թարգմ. Երաժույթուն և ժանո-թագրություններ Առ. Մախաբյանցի. Երևան, 1947, էջ 72, 74:

19 Կ . Գ . Վ ա ֆ ա գ ա ր յ ա ն . Դվին բաղադր և նրա պեղումները. հ. 2, Երևան, 1982, էջ 134—139; Գ . Ա . Կ ր ա յ ա յ . О некоторых особенностях основания города Двин.— Тренин всесоюзный симпозиум по проблемам эллинистической культуры на Востоке, Тезисы докладов, Ереван, 1988, с. 85—86. Խ . Ք ա լ ա ն թ ա ր յ ա ն . Գարձալ Դվինի հիմնադրման մասին.— «Երազուր հասարակական գիտություններ», 1988, № 1, էջ 63—70: Հեղինակի Դվինի վաղ միջնադարյան նյութերին նվիրված աշխատանքում (Դվինի նյութական մշակույթը IV—VIII դդ., Երևան, 1970) ոչ մի իր չի թվագրված V դարից վաղ, այլ ընդհանրապես մեծ մասամբ՝ VI—VII դդ., իսկ իր վկայակոչած հեղինակները հատուկ չեն գրադրել Դվինի հիմնադրման հարցով, նշել են միայն, որ Դվինը V—VI դդ. մեծ բաղադր էր, կամ որ V դարի երկրորդ կեսին դարձավ մայրաքաղաք:

20 Ա . Շ ա հ ն ա զ ա ր յ ա ն . Արտաշատ, պատմա-աշխարհագրական տեսություն.— ՀԳՊԻ, «Աշխատություններ», հ. 1, Երևան, 1952, էջ 160—162, 168: Ն ու յ ն ի՝ Ա ե ջ ի (Մեծամորի) ստորին հոսանքի ուղղությունը նախկին դարերում. ԱրմՅԱՆ-ի «Տեղեկագիր», 1941, № 2, էջ 7—13: Խ . Ս . Ե ր ե մ յ ա ն . Հայաստանն ըստ «Աշխարհացույցի». Երևան, 1963, էջ 41, 66, 82, 111—112: 2 . Կ ա ղ ա գ ա ր յ ա ն . Արտաշատ բաղադրի տեղագրության խնդրի շուրջ.— «Էջմիածին», 1956, № 3, 1—5, էջ 78—79:

21 Ա . Շ . Ս ա խ ա զ ա ր յ ա ն . Двин, историко-географический очерк. Ереван, 1940, с. 7—25.

րով II Կոտակի կառավարման տարիները նշվում են տարբեր ժամանակով, որը տատանվում է 6—8 տարիների միջև²²։ Այդ ընթացքում տեղի է ունեցել երկու խոշոր իրադարձություն։ 335 թ. մագքութների թաղավոր Սանեսանի ղլխավորությամբ հյուսիսային լեռնականներն արշավեցին Հայաստան և գրավեցին երկրորդ մայրաքաղաք Վաղարշապատը (ըստ երևույթին նաև Արտաշատը)։ Խոսրով Կոտակը և Վրթանես եպիսկոպոսապետը փակվեցին Կոզովիտի Դարունք բերդում, իսկ Վտչե Մամիկոնյանը գնաց հունաց կողմերը։ Մագքութներն ասպատակեցին երկիրը, և միայն մեկ տարի հետո հաջողվեց Օշականի մոտ կոտորելու դուրս քշել նրանց²³։ Այս դեպքերից հետո է խոսրով Կոտակը կատարում անտառատնկումը։ Սակայն, մինչ թաղավորն զբաղված էր անտառատնկումով, տեղեկություն է հասնում Ադձնիքի «մեծ բղշխ» Բակուրի և Բզնունիքի Դատաբեն նախարարի ապստամբության մասին, 336/7 թ. Առեստ ավանի մոտ հաջողվում է ճնշել տպստամբությունը 338 թ. Հայաստան են ներխուժում պարսկական զորքերը։ Այս կարճատև և պաանրագմական գործողություններով լի ժամանակաշրջանում խոսրովը ցանկություն դեպքում անգամ հնարավորություն չունեցավ նոր մայրաքաղաք կառուցելու։ Դրա կարիքն էլ չկար, քանի որ Արտաշատը, ինչպես Տրդատ III Մեծի, այնպես էլ նրա հաջորդների օրոք, մնում էր իբրև պաշտոնական մայրաքաղաք և կրոնական կենտրոն, թեև նստավայրը Վաղարշապատն էր, որն այդ ժամանակ ընդարձակվել և կառուցապատվել էր։ Այդ է վկայում նաև Բուզանդի վկայությունը (III, 12) որ «այս լսելով՝ ինքը թագավորն (Տիրանը) անձամբ բոլոր բանակի բազմության հետ նրան (Հուսիկին) ընդառաջ էր գնում դաշտով մինչև Տափերի կամուրջի այն կողմը։ Այս միմյանց ցանկալի ողջունը տալով՝ անցնում էին Տափերի կամուրջը, մտնում էին մեծ Արտաշատ քաղաքը, դիմում եկեղեցին, ցանկալի մանուկ Հուսիկին նստեցնում էին հայրապետական աթոռ»։

Սպարապետ Մուշեղ Մամիկոնյանի և ներսես Ա. կաթողիկոսի ու զորքերի հետ միասին Պապը 369 թ. գարնանը հաղթականորեն մտավ Արտաշատ և հռչակվեց Մեծ Հայքի թագավոր²⁴։ Հնադիտական պեղումները հաստատում են, որ շեռուս խոսրով II Կոտակի ժամանակ Արտաշատը խոշոր քաղաք էր։ Մովսես Խորենացին, ընդհանրապես, երբ խոսում է Արտաշատի, Երվանդաշատի, Վաղարշապատի և մյուս քաղաքների մասին, հատուկ շեշտում է, որ կառուցվեց քաղաք, իսկ Դվինի մասին չի նշում։ Շապուհ II-ի կողմից 368—369 թթ. Հայաստանի ավերված քաղաքների թվում Դվինը չի հիշատակվում։ Նույնիսկ 450 թ. Հագկերտին պատասխան գրելու համար աշխարհիկ և հոգևոր ղեկավարները հավաքվում են Արտաշատում և այլև Արտաշատի ավերումից հետո գերեզմանությունից խույս տված բնակչության մի մասը, ըստ երևույթին, հաստատվում է Դվինում և այն աստիճանաբար մեծանում է և առեն 481 թ. հռչակվում է Մոզգպանական Հայաստանի մայրաքաղաք։ Սակայն Դվինի տարիքը կարելի է հաշվել խոսրով III Կոտակի կառուցած պալատական շենքի ժամանակից՝ 336/7 թ.²⁵։

Լայն տարածում գտած և բնորոշ երևույթներին մեկը համաբնակեցման («սինոյկիսմոսի») եղանակով նորաստեղծ քաղաքները բնակչությամբ ապահովելն էր։ Ըստ Մովսես Խորենացու, վերաբնակեցումը սովորական է եղել նաև Հայաստանի հելլենիստական շրջանի քաղաքների համար։ Որոշակի վկայություններ են պահպանվել Վանի (I, 16, II, 19), Արմավիրի (II, 16,

22 330—338, 330—336/7, 332—338 թթ., (ՃԺՊ, հ. 2, Երևան, 1984, էջ 82, 145, 152, 634), 332—339 թթ. (Ե. II. Аракелян. Арташат I, Ерewan, 1982, с. 15), 330—338 թթ. (ՃԺՊ, հ. 5, Երևան, 1979, էջ 78), 2. Մանանդյան, Քննական տեսություն հայ ժողովրդի պատմության, հ. 2, մասն 1-ին.—Երևան, հ. 2, Երևան, 1978, էջ 111, 427։

23 ՃԺՊ, հ. 2, էջ 84։

24 Նույն տեղում, էջ 102։

25 Նույն տեղում, էջ 145։

19), Արտաշատի (II, 49), Վաղղղեսաձանի (II, 16) և Արշակաձանի (III, 27) վերարկրյալս «Եւ ամենայնիւ ՚ճոյակալ և ՚ճոշակաւոր զպարսպեալն յօրինէ, և անթիւ բազմութիւն մարդկան ի ներքս բնակեցուցանէ» (I, 16), «և Տիգրանն ՚ճրաման տալ Քարգափրանայ նստուցանել զգերին ՚ճրէից որ ի Մարիսայոց՝ ի քաղաքն Շամիրասայ» (II, 19), «Իսկ թագաւորն Հայոց Տիգրանն պերտութենն Հրէից նստուցեալ յերմաւեր և յաւանին Վարդգէսի, որ ի վերայ Քասազ գետոյ...» (II, 16): «Եւ յարուցանէ ի քաղաքէն Ծրուանդայ զգերութիւն Հրէիցն, որ փոխեալ էին անոր յերմաւրայ, և նստուցանէ զնոսա յԱրտաշատ» (II, 49):

Հայաստանի քաղաքները «սինսլիխմոսի» միջոցով բնակեցնելու մասին տեղեկութիւններ ևն հաղորդում նաև Փափստոս Բուզանդը²⁶ և անտիկ հեղինակները²⁷:

Մեծ հետաքրքրութիւն ևն ներկայացնում Մովսես Խորենացու վկայութիւնները քաղաքների կոմունալ տնտեսութան վերաբերյալ, քաղաքները իմելու և ոտովելու ջրով ապահովելու, բազնիքների առկայութեան մասին: Նա հիշատակում է, օրինակ, Վանի շքնաղ և զարմանքի արժանի բազնիքները՝ համապատասխան քաղաքի պիւրքին և պետքերին (I, 16): Վերը նշեցինք Արտաշատում հայտնաբերված մի քանի բազնիքների և կոմունալ մյուս կառուցիւնների մասին: Բազնիքներ և ջրամատակարարման ցանցեր ևն բացվել Վաղարշապատում, Գառնի²⁸ ամրոցում և այլն: Ուշագրավ ևն Մովսես Խորենացու ճարտարապետական կառուցիւններին՝ երկու, երեք հարկանի ապարաններին, ժայռափոր շինութիւններին, տաճարներին, շինարարական տեխնիկային, քաղաքների հարգարանքին՝ արձաններ կանգնեցնելուն նվիրված և այլ տեղեկութիւնները, որոնք շատ կարեւոր ևն հին Հայաստանի մշակութի ուսումնասիրութեան համար: Այդ առումով ուշագրավ է հատկապես Վանին վերաբերող հատվածը. «Շինէ և ընտիրս և բազումս ի մէջ քաղաքին ապարանս ի պլս պէս քարանց և ի դունից պարզարեալս, կրկնաբարկս և եռաբարկս, և ըստ պատեհի իւրաքանչիւր՝ արեղակնակս և պեղեցկազունիք և ընդարձակ փսպոցիւր պկոզմանս քաղաքին որոշելով: Շինէ և զչքնաղս ոմանս և պարմանալոյ արժանաւորս ըստ պիտոյից միջոցայ քաղաքին յուայիս: Եւ զմասն ինչ պետոյ: Ընդ մէջ քաղաքին բաշխեալ անցուցանէ ի սպաս ամենայն պիտոյից և յարուցմունս բուրաստանաց և ծագկոցայց և պայլն զեղերք ծովակին յաջմէ և յահեկէ՝ քաղաքին բովանդակ շրջակային յարբուցումն»: «...պայտախի կարծրութիւն նիթոյ պէս պէս տաճարս և աննեակս օթից և սունս դանձարս և վիհս երկարս, ոչ պիտէ ոք, թև սրպիտեայ իրայ պատրաստութիւն հրաշակերտաց»: «Եւ ոչ միայն այս, այլ և ի բազում տեղիս յաշխարհին Հայոց արձանս հաստատեալ...»²⁹: Երվանդաշատի մասին. «Պարսպէ պրտուն, և ի ներքսպոյն քան պարբիսպն ընդ բազում տեղիս կտրեալ զքարինսն մինչև ի յատակս բլրոյն: հաստար պետոյն, մինչև դիմել ջուրց դետոյն ի փորտածն, յրմպիկեայ պատրաստութիւն»³⁰: Գառնիի մասին. «Չայտու ժամանակաւ կատարել Տրդատ զշինուած ամրոցին Գառնոյ, զոր որձաքար և կտիածոյ յիմօք, երկաթապամ և կապարոս՝ մածուցեալ. յորում շինեալ և սուն հովանոց, մահարձանօք, սքանչելի զրօշուածովք բարձր քանդակաւ, ի

²⁶ Փափստոս Բուզանդ, IV, 12, 35:

²⁷ Strabo, XI, XIV, 6, 15; XII, II, 9; Appian, Mithr., 67, 84; Plut., Lucull, XXVI; Cass. Dio, XXX, 2.

²⁸ Б. П. Аракелян, Гарни II, Результаты работ Гарниской археологической экспедиции 1951—1955 гг. Ереван, 1957, с. 23—41; Б. П. Аракелян, Заметки о водоснабжении и банях городов древней Армении.—Вестник обществ. наук АН АрмССР, 1979, № 10, с. 75—87; Ж. Д. Хачатрян, А. В. Гюшкян, Античная баня в Гарни.—Вестник древней истории, 1986, № 3, с. 141—150.

²⁹ Մովսես Խորենացի, I, 16:

³⁰ Նույն տեղում, II, 39:

համար քեռ իւրոյ Խոսրովի դիտող, և դրեալ ի նմա զյիշատակ իւր հելլենացի դրովս⁸¹:

Այսպիսով, Հայաստանի անտիկ շրջանի քաղաքների, հատկապես Արտաշատի պեղումները հաստատում են Մովսես Խորենացու, Փավստոս Բուզանդի, Աղաթանգեղոսի և անտիկ հեղինակների վկայությունները: Հայաստանի քաղաքները՝ Երվանդաշատը, Արտաշատը, Տիգրանակերտը և մյուս քաղաքներն ունեն իդեալական տեղադրություն, որտեղ տեղական ավանդույթներից բացի առկա են հելլենիստական քաղաքին բնորոշ բոլոր հատկանիշները: Անկասկած, Մովսես Խորենացին եղել է Հայաստանի երբեմնի փառաբանված շքեղ քաղաքներում: Նա ծանոթ է եղել հելլենիստական քաղաքաշինության սկզբունքներին, ըստ երևույթին առաջին հերթին դեպի Ալեքսանդրիա կատարած (≈ 435) իր ուսումնական ճանապարհորդությունների ժամանակ, երբ այցելել է հելլենիստական երկրների մի շարք քաղաքներ և աշխատել այդ քաղաքների գրադարաններում, ծանոթացել հունա-հռոմեական աղբյուրներին, որոնք պարունակում էին մանրամասն տեղեկություններ այդ մասին: «Հայոց պատմությունը» երկում, որը դրված է հայ և օտար աղբյուրների հիման վրա, Մովսես Խորենացին հաճախ է նշում օդատաղործած աղբյուրները կամ ասում, որ «Այս բաներն իսկապես մենք դտանք հունարեն գրականության մեջ» (I, 5): Ալեքսանդրիա գնալիս նա սկզբում այցելել է Եդեսիա, այդտեղից Պաղեստինով Ալեքսանդրիա, հետո Իտալիա՝ Հռոմ, Հելլադա՝ Աթենք, Բյուզանդիոն և Փոքր Ասիայով վերադարձել հայրենիք⁸²: Այսինքն եղել է հելլենիստական շատ քաղաքներում, ծանոթացել հելլենիստական քաղաքաշինության լավաղույն տրադիցիաներին, որոնք տեղական ավանդների հետ ղուղորդված, իրենց արտահայտությունն էին գտել նաև Հայաստանի քաղաքներում:

ГОРОДА И ГРАДОСТРОИТЕЛЬСТВО АРМЕНИИ АНТИЧНОГО ПЕРИОДА ПО «ИСТОРИИ АРМЕНИИ» МОВСЕСА ХОРЕПАЦИ

Ж. Д. ХАЧАТРЯН

Р е з ю м е

Города и градостроительство Армении представляют большой интерес для разностороннего изучения истории, экономики и культуры Армении и стран эллинистического мира. Поэтому, кроме археологических раскопок и сведений античных источников, заслуживают внимания сообщения раннесредневековых историков Армении, особенно Мовсеса Хорепаци. Мовсес Хорепаци, говоря в «Истории Армении» об эллинистических городах Армении—Ване, Армавире, Ервандашате, Арташате, Вагаршапате, Карине, отмечает важные предварительные условия, которые необходимы для основания города, а именно: город должен был находиться на международных торговых путях, быть окружен плодородными землями для развития сельского хозяйства. Города должны были располагаться на водных артериях (реки, озера), это способствовало рыболовству, охоте и ведению коммунального хозяйства. Города должны были занимать благоприятную для обороны позицию. У Мовсеса Хорепаци мы узнаем, что города основывали по указу царей, населялись они по принципу «спинокизма». Города имели сложную оборонительную систему и единую планировку. Сведения Мовсеса Хорепаци о городах и градостроительстве античного периода Армении совпадают с требованиями, которые упоминают греко-римские источники и которые характерны для городов эллинистического мира. Раскопки древнего Арташата подтверждают сведения Мовсеса Хорепаци. По всей вероятности, он видел эллинистические города Армении, знал о принципах градостроительства от античных авторов, а также посетил многие города эллинистического мира во время своей поездки в Александрию.

⁸¹ Նույն տեղում, II, 90:

⁸² Նույն տեղում, III, 62: